



Pranuar / Dorezuar Prenje/Prodato Received/Delivery	23.05.2023	3 viti god. year	
Organ /Njesia Organ /Jedinica Org./Unit	Nr Prot Br Prot Prot No	Shtojca Prilog Appendix	Sasia Kolicina Quantity
SAMSICK	4389/2023		114



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.675/2023

Këshilli i Pavarur Mbikëqyrës për Shërbimin Civil të Kosovës- Kolegji për Shqyrtimin dhe Vendosjen e Ankesave në përbërje nga: Arben Mehmeti-kryetar, Malsore Gashi-Bajraktari dhe Ardita Haxhnikaj Demi-anëtarë, me Vjollca Sinani -Zyrtare e Lartë për Bashkëpunim Profesional në cilësinë e procesmbajtëses, ka shqyrtuar ankesën me numër A.nr.675/2023 të datës 27.04.2023 e parashtruar nga ankuesi të cilin me autorizim e përfaqëson Av me adresë banimi Rr. "Reçakut", Komunën e Ferizajit kundër organit të punësimit/Ministria e Punëve të Jashtme dhe Diasporës, në çështjen juridike "Ndërprerje e marrëdhënies së punës", duke vepruar në pajtim me nenin 6 paragrafin 1 nën paragrafin 1.1, nenin 16 paragrafi 3, nenin 18 paragrafin 1 nën paragrafin 1.8 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës në seancën për këshillim dhe votim të mbajtur me datë 23.05.2023, mori këtë:

V E N D I M

I. Këshilli i Pavarur Mbikëqyrës për Shërbimin Civil të Kosovës Shpallet jo kompetent për të vendosur lidhur me ankesën A.nr.675/2023 të datës 27.04.2023 e parashtruar nga ankuesi an

II. Çështja bije në kompetencë të Gjykatës Kompetente.

A r s y e t i m

Ankuesi përmes përfaqësuesit me autorizim, me datë 27.04.2023 ka parashtruar ankesë me numër protokollit 3859/2023 në Këshillin e Pavarur Mbikëqyrës për Shërbimin Civil të Kosovës, kundër Vendimit me nr.protokollit 1382 dhe Nr.ref.228/2023 të datës 03.04.2023 të Ministres së Punëve të Jashtme dhe Diasporës (tutje MPJD), për shkak të shkeljeve të dispozitave materiale dhe procedurave ligjore.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, me datë 02.05.2023 ka proceduar kërkesën për përgjigje në ankesë në Ministrinë e Punëve të Jashtme dhe Diasporës.

Misionin Konsullor të Republikës së Kosovës në Dyseldorf/Gjermani me mandat katër (4) vjeçar duke filluar nga data 01.10.2019.

Ministria e Ministrisë së Punëve të Jashtme dhe Diasporës me Vendimin Nr.ref: 228/2023 të datës 03.04.2023 ka shfuqizuar Vendimin me numër reference 273/13 të datës 25.05.2013 lidhur me emërimin e ankuesit në shërbim të jashtëm si dhe Vendimin me Nr.Ref.366/2019 të datës 26.07.2019 të Ministrit të Ministrisë së Punëve të Jashtme dhe Diasporës, mbi bazën ligjore se emërimi i ankuesit në shërbim të jashtëm është bërë në kundërshtim me nenin 20 të Ligjit Nr.03/L-022 për Shërbimin e Jashtëm, si dhe në kundërshtim me nenin 19 të Ligjit Nr.03/L-149 për Shërbimin Civil të Kosovës.

Ankuesi në ankesën e parashtruar në Këshillin e Pavarur Mbikëqyrës për Shërbimin Civil të Kosovës pretendon se vendimi i kundërshtuar më ankesë karakterizohet me shkelje të dispozitave ligjore dhe konstatimin e gabuar të gjendjes faktike, konkretisht Ligjit Nr.05/L-031 për Procedurën e Përgjithshëm Administrative, Ligjit Nr.03/L-122 për Shërbimin e Jashtëm, Ligjit Nr.03/L-044 për Ministrin e Jashtme dhe Shërbimin Diplomatik, Ligjit Nr. 03/L-149 të Shërbimit Civil, Udhëzimit Administrativë për procedurat e emërimit të kandidatëve në shërbimin e jashtëm nr.03/2009...

Në kuptim të pranueshmërisë së ankesës, Kolegji ju referua dispozitave të Ligjit Nr.03/L-149 për Shërbim Civil të Republikës së Kosovës i aplikueshëm në kohën e emërimit të ankueses në shërbim të jashtëm, përkatësisht nenit 3 paragrafi 4 ku përcaktohet se: *4. Personeli diplomatik dhe konsullor, si dhe personeli administrativ i dërguar jashtë vendit ose i punësuar në Ministrinë e Punëve të Jashtme të Kosovës, është pjesë e Shërbimit Civil të Kosovës dhe i nënshtrohet këtij ligji dhe legjislacionit përkatës në fuqi, si dhe nenit 8 të Ligjit Nr.03/L-044 për Ministrinë e Punëve të Jashtme dhe Shërbimin Diplomatik me të cilin parashihet: Anëtarët e Shërbimit Diplomatik të Kosovës, përveç të emëruarve politik, janë pjesë e Shërbimit Civil të Kosovës dhe personeli i tij i nënshtrohet të njëjtave paga, kërkesa dhe kushte të punës, përveç nëse parashihet ndryshe me këtë ligj ose me ligje tjera ose akte nënligjor, dhe rrjedhimisht në kuptim të këtyre dispozitave ligjore Kolegji konstaton se përveç të emëruarave politikë, nëpunësit e shërbimit të jashtëm përfshirë personelin diplomatik, konsullor dhe personelin administrativ të punësuar në Ministrinë e Punëve të Jashtme apo të angazhuar në shërbim të jashtëm, kanë statusin e nëpunësit civilë dhe se pranimi i tyre në shërbim të jashtëm duhet të bëhet në pajtim me dispozitat e legjislacionit për shërbim të jashtëm dhe legjislacionit të aplikueshëm për shërbim civil, andaj mbi këtë bazë ligjore, si dhe duke marrë parasysh faktin se ankuesi ishte emëruar në shërbim të jashtëm mbi bazën e vendimit të Ministrit të Ministrisë së Punëve të Jashtme, e meqenëse me asnjë provë nuk vërtetohet se i njëjti ka themeluar marrëdhënie të punës në shërbim civil pranë këtij institucioni përmes nënshkrimit të Aktit të emërimit ashtu siç përcaktohej me nenin 19 paragrafi 1 të Ligjit Nr.03/L-149 për Shërbimin Civil të Republikës së Kosovës me të cilin parashihej se: "Nëpunësit civilë themelojnë marrëdhënien e punës pas përfundimit me sukses të procedurave të pranimit të përcaktuara me këtë ligj dhe me aktet përkatëse nënligjore dhe pas pranimit të një shkrese të emërimit brenda tridhjetë (30) ditëve pas përfundimit të procedurës nga institucioni kompetent në të cilën do të gjejë punë nëpunësi i ri civil".*

Kolegji duke u bazuar në nenin 6 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, ku përcaktohet se Këshilli është kompetent për të shqyrtuar vetëm ankesat e nëpunësve civilë dhe kandidatëve për pranim në



Ndërsa Këshilli me datën 12.05.2023 ka pranuar shkresat lidhur me çështjen ankimore në vendosje.

Kolegji për Shqyrtimin dhe Vendosjen e Ankesave me rastin e shqyrtimit të kësaj ankesë ka administruar këto prova: Ankesën me numër protokolli 3859/2023 të datës 27.04.2023 të parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Autorizimin e datës 24.04.2023 të përfaqësuesit të ankuesit; Vendimin Nr.Ref.228/2023 të datës 03.04.2023; Akt emërimit të ankuesit Nr.153/2015 të datës 08.06.2015; Ndryshimi dhe plotësimi i Akt emërimit të ankuesit Nr.272/2019 të datës 15.03.2019; Vendim me nr.ref.273/13 i datës 23.05.2013 për emërim dhe caktim të gradës diplomatike; Vendim me nr.014/15 i datës 22.05.2015; Vendim me nr.../80 i datës 08.06.2015 ;Vendim për emërimin ushtrues detyre në pozitën e Udhëheqësit të Divizionit të Personelit me nr.102/2018 i datës 01.08.2018; Vendimin Nr.Ref.366/2019 të datës 26.07.2019; Vërtetim Nr.187/2016 të datës 07.10.2016; Vërtetim Nr.119/2021 të datës 07.09.2021; Kërkesën për përgjigje në ankesë të datës 02.05.2023 nga KPMSHCK; Përgjigjen në ankesë të datës 02.05.2023 së bashku me shkresat e bashkangjitura të lëndës të administruara si më lartë duke përfshi edhe formularin e vlerësimit të vitit 2021 dhe 2022.

Kolegji për Shqyrtimin dhe Vendosjen e Ankesave pas administrimit të shkresave të lëndës, konstaton se Këshilli i Pavarur Mbikëqyrës për Shërbimin Civil **nuk është kompetent** për të vendosur lidhur me ankesën A.nr.675/2023 të datës 27.04.2023 të parashtruar nga ankuesi **sepse:**

Nga analizimi i provave materiale Kolegji ka konstatuar se Ministri i Ministrisë së Punëve të Jashtme dhe Diasporës me Vendimin Nr.140/11 të datës 21.07.2011 ka miratuar shpalljen e Konkursit për përfaqësues diplomatik dhe konsullor në misionet diplomatike dhe konsullore të Republikës së Kosovës. Bazuar në këtë vendim, Ministria e Punëve të Jashtme më datë 22.07.2011 ka shpall konkursin për drejtues dhe nëpunës të tjerë të misionit konsullor dhe për anëtarë të misionit diplomatik, e në të cilin konkurs kishte aplikuar edhe ankuesi. Më tej, nga shkresat e lëndës rezulton se lidhur me këtë procedurë konkurrimi ishte organizuar vetëm testimi i gjuhëve të huaja dhe intervista me gojë, dhe nga kjo fazë nuk ka dëshmi për vazhdimin e mëtejshëm të procesit të rekrutimit në fjalë, gjegjësisht pranimit të ankuesit në pajtim me dispozitat e aplikueshme për shërbimin e jashtëm dhe shërbimin civil.

Kolegji i këshillit më tutje nga shqyrtimi i provave materiale ka konstatuar se ankuesi fillimisht sipas Vendimit me nr.ref.273/13 të datës 23.05.2013 ishte emëruar anëtar i Shërbimit të Jashtëm të Republikës së Kosovës, ndërsa përmes të njëjtit vendim i është caktuar grada diplomatike Sekretar i Parë dhe poashtu ishte caktuar të shërbej në Mbretërinë e Arabisë Saudite,ndërsa sipas Vendimit Nr.Ref.014/2015 të datës 22.05.2015 të Ministrit të MPJ-së është tërheq nga misioni diplomatik ku tërhiqja e tij është caktuar të bëhet me datën 15.06.2015,bazuar në këtë vendim të potencuar si më lartë i njëjti për nevoja të Ministrisë përmes vendimit të datës 08.06.2015 caktohet të shërbej si zyrtarë i arkivit brenda Ministrisë duke filluar nga data 16.06.2015,poashtu sipas akt emërimit me nr.153 të datës 08.06.2015 ankuesi ka mbajtur pozitën si Zyrtar i Lartë i Personelit në Divizionin e Personelit, ndërsa sipas ndryshimit dhe plotësimit të akt emërimit i njëjti emërohet në pozitë të Menaxherit të Personelit në kuadër të MPJ nga data 15.03.2019,bazuar sipas përmbajtjes së akt emërimit në konkursin e brendshëm për avancim, gjithnjë bazuar në provat e lëndës rezulton se ankuesi me Vendimin Nr.Ref.366/2019 të datës 26.07.2019 të Zëvendëskryeministrit të parë dhe Ministrit të MPJ-së, caktohet të shërbej në

Shërbimin Civil, konstaton se Këshilli i Pavarur Mbikëqyrës për Shërbimin Civil të Kosovës nuk është kompetent për të vendosur lidhur me ankesën e ankuesit si në dispozitiv të këtij vendimi.

Bazuar në at çka u tha si me lartë, Kolegji i Këshillit pas analizimit të provave të lëndës me qenë se konstatoi se nuk është kompetent të vendosë në lidhje me këtë ankesë, nga se kompetente është gjykata përkatëse, duke u bazuar në nenin 18 paragrafin 1 nën paragrafin 1.8 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij vendimi.

Këshillë juridike: Kundër vendimit të Këshillit, pala e pakënaqur mund të iniciojë konflikt administrativ në Gjykatën Themelore në Prishtinë/Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda, A.nr.675/2023, datë 23/05/2023.

Vjollca Sinani



Zyrtare e Lartë për Bashkëpunim Profesional



Vendimi i dërgohet:

- Përfaqësuesit me autorizim, Av. [REDACTED]
- Sekretarit të Përgjithshëm të Ministrisë së Punës së Jashtme dhe të Diasporës;
- Udhëheqësit të Personelit në Ministrinë e Punës së Jashtme dhe të Diasporës dhe
- Arkivit të KPMSHCK-së

